

Yungzsuij: Singz Mbanj Lwgnyez Fwngz Rag Fwngz

融水：城乡孩子手拉手

3 nyied 11 hauh, Liujcouh Si Swzsannei youq Yungzsuij Myauzcuz Swciyen Hozmuz Cin Muzcunh Siujyoz banh aen hozdung simndei he, 40 boubvunz simndei daj ndaw singz daiq 20 laeq lwgnyez daeuj daengz Muzcunh Siujyoz gien soengq 50 fan denzdauq caeuq diuswngz, saw daengj gij yungh gyaqcienz daih' iek fanh maenz haenx. Lij caeuq gyoengq doengzhag Muzcunh Siujyoz guh bau gaenfwngz, duzyiuh coemj gaeq daengj guh' angq fwngz rag fwngz hozdung.

(Lungz Linzci/龙林智)



▲ Lwgnyez ndaw singz caeuq lwgnyez lajmbanj caez yawj saw.



▲ Lwgnyez ndaw singz fat doxgaiq hawj lwgnyez lajmbanj.



▲ Suenva eufwen cienz cingz.

Lingzyinz Hoih Eufwen Yawjva “Sam Nyied Sam” Youq Lungjhau Banh 凌云县“三月三”赏花山歌会在陇浩举行

3 nyied 8 hauh, cingq dwg Lingzyinz Yen Swcwnz Cin Lungjhau Cunh vamoeggva, vadauz, valeiz, valwmaenj daengj gak cungj va doxciengj hai hoengh lumj feiz seiz, youz Vwnzdij Gvangjdengiz, Minzcuz Swvu, Swcwnz Cin lienzhab youq ndaw suenva banh aen hoih eufwen yawjva “sam nyied sam”.

Gyoengq canghfwen Bouxcuengh, Bouxgun, Yauzcuz dangdieg daj gak yanghcin daeuj haenx youq ndaw suenmak caenhcingz sing get dwk ciengq, cienz cingz yienh ei, caez ciengq gij saedceij vuenyungz, doxdoi q ciengq mizyinx raixcaix. Sing fwen youq ndaw bya rwenzrwdrd, gij eufwen ciengzmiemh gyoengqde hawj bouxyawj got dungx dwk riu raixcaix.

(Lij Caijlanz/李彩兰)



▲ Aen hoih eufwen yienhcingz.

Lungzswng: Beixnuengx Mehmbwk Hung- yauz Siuqva Doxdax Coux Cietmehmbwk 龙胜：红瑶妇女同胞秀技艺庆佳节

3 nyied 8 hauh, Lungzswng Gak Cuz Swciyen Lungzciz Cin Siujcai Cunh cujeiz beixnuengx mehmbwk guh siuqva, daemjbaengz doxdax hozdung, geij cib boub mehmbwk Yauzcuz youq ndaw “cim mbin mae con” dawz gij dinfwngz conzdungj baijyienj okdaeuj, angqhoh cietmehmbwk.

(Banh Cisiengz/潘志祥)

► Mehmbwk siuqva daemjbaengz doxdax.




Vangzyauz: Va Hai Laisaek Yinx Vunz Daeuj 黄姚：五彩花海惹人醉

Seizcin dienheiq raeuj le, Cauhbingz Yen Vangzyauz Cin 400 moux gak cungj gak yiengh va doxciengj dwk hai okdaeuj. 3 nyied 12 hauh, daj gwnzmbwn yawj roengzdaeuj, lumjbaenz faj benj diuzsaek daswyenz nei, hoengz henj maeq gyaemq gak cungj gak yiengh saek cungj miz, ndeyyawj dangqmaz, yinx ndaej haujlai hekyouz daeuj youzngonz.

(Danz Gaijhingh/谭凯兴)



▲ Gyoengq hekyouz youq Vangzyauz yawj va youz angq.



▲ Daj gwnzmbwn ingj roengzdaeuj lumj faq benj diuzsaek daswyenz nei.